



IV GOVERNO CONSTITUCIONAL SEKRETARIA ESTADU KONSELLU MINISTRUS

KOMUNIKADU IMPRENSA

Sorumutu Konsellu Ministrus loron 13 fulan Janeiru tinan 2010

Sorumutu Konsellu Ministrus iha Kuarta-feira, loron 13 fulan Janeiru tinan 2010, iha Sala Sorumutu Konsellu Ministrus, iha Palásiu Governu, iha Díli, ne'ebé simu Representante Espesiál Sekretáriu Jerál foun (Special Representative of the Secretary General – SRSG) Nasoens Unidas nian ba Timor-Leste.

Ameeraq Haq ofisialmente apresenta ona ba Konsellu Ministrus ne'ebé Primeiro-Ministru, Kay Rala Xanana Gusmão, iha ninia diskursu boas-vindas nian, koalia liu ba importánsia atu iha relasaun no kooperasaun diak nafatin entre Governu Timor-Leste no representante Nasoens Unidas nian. Ameeraq Haq ne'e, iha ninia diskursu, hahú agradese ba faktu ne'ebé simu tiha ona nia iha Konsellu Ministrus, ne'ebé tuir nia hanoin, ida ne'e hanesan "prinsípiu relasaun ida diak, ne'ebé sei hetan solusaun hamutuk".

To'o tiha iha País ne'e iha tinan foun hahú hala'o nia estadia ba tinan tolu, Ameerq Haq afirma katak nia hakfodak ho aktividade bar-barak no enerjia iha Nasaun foun ida ne'e, iha tinan 10 de'it, nia hatutan tan katak, nia sente vizita ne'ebé nia halo'o iha sidade Díli nia laran ho "Atmosfera jerál kalma no iha seguransa".

Representante Espesiál foun Sekretáriu Jerál Nasoes Unidas nian ba Timor-Leste hato'o tan iha nia diskursu katak kontinua iha parseria ba manuntensaun "pás" estabilidade no desenvolvimentu" iha País, hodi fó konkluziun katak: "Seguransa laiha desenvolvimentu mós sei la iha no desenvolvimentu laiha seguransa mós sei la iha"

Sorumutu ba dala rua tinan 2010 nian ne'e, Konsellu Ministrus analiza mós :

1. Rezolusaun Governu ne'ebé kria Komisaun Eventuál Verifikasaun ba Dadus kona-ba benefisiáriu Subsídium Apoiu nian ba Idozu no Inválidu sira.

Iha tinan 2008, Konsellu Ministrus aprova tiha ona fó Subsídium Apoiu nian ba Idozu no Inválidu sira, hodi fó garantia ba subsisténsia sidaduan timor oan sira nian ne'ebé hela iha teritóriu nasional, ho idade ne'ebé kompleta ona tinan 60 ka sira ne'ebé iha situasaun inkapasidade absoluta no definitiva atu halo'o aktividade servisu nian.

Kartaun eleitór mak hanesan meu ida hodi prova atu fó subsídium tanba ne'e hanesan dokumentu ofisiál identifikasaun ne'ebé fó sai iha País nia laran. Maibé iha Dekretu-Lei ne'ebé mak regula matéria ida ne'e kona-ba possibilidade apresentasaun nian, durante tinan 2008, dokumentu sira seluk hanesan meu ida hodi prova idade kandidatu nian, liu-liu deklarasaun Xefe Suku kona-ba hela fatin.

Iha tinan 2009 remata, Diresaun Nasionál Seguransa Sosiál (DNSS) Ministériu Solidariedade Sosiál fahe informasaun ho baze dadus STAE nian, hodi hato'o konkluzo ba número aas iha prosesu iregular ne'ebé iha.

Atu regulariza situasaun, DNSS hahú ona, iha fulan liu-ba, iha Distritu Aileu, prosesu reverifikasaun ba dadus ne'ebé sei habelar, hahú iha fulan oin mai, ba distritu sira seluk.

Prosesu verifikasaun ida ne'e sei serve, mós, atu simu rekerimentu foun hosi idozu sira ne'ebé seidak hetan benefisiu hosi Subsídium Apoiu nian, nune'e mós bele simu reklamasoan (liu hosi surat) hosi sira hotu ne'ebé dehan katak la hetan subsídium apoiu ida ne'e.

2. Apresentasaun no diskusaun Planu Asaun Lejislativu ba 1º semestre tinan 2010.

Iha sorumutu ba dala rua tinan ne'e nian, Konsellu Ministrus kontinua analiza planu Asaun Lejislativa ne'ebé atu dezenvolve to'o ba iha fulan Juñu tinan ida ne'e, hodi determina prioridade sira, tuir área sektoriál nian, diploma leislativu nian no regulamentar hirak ne'ebé atu hetan aprovasoan iha primeiru semestre tinan 2010 ne'e.

3. Apresentasaun kona-ba Manuál Jestaun no Inventariasaun Patrimóniu Móvel Estadu nian.

Manuál Jestaun ida ne'e nia objetivu prinsipál mak atu hetan sistema úniku no uniforme ba Patrimóniu Estadu no inventariasaun.

Ida ne'e hanesan dokumentu referénsia ida hodi hahú realiza inventáriu Patrimóniu no prosedimentu gestaun nian, inklui faan, halo leilaun internu ba ekipamentu hirak ne'ebé la uza ona. Manuál Jestaun bele uza mós nu'udar instrumentu treinu nian ba funsióriu diresaun Nasionál Jestaun Patrimóniu.

Ho medida ida ne'e, Konsellu Ministrus hakarak previne atu la bele utiliza sala no garanti manutensaun, liuliu ba veikulu Estadu nian.

4. Apresentasaun no diskusaun kona-ba alterasaun sira ne'ebé atu introdus iha rejime jurídku aprovizionamentu no kontratasaun pública.

Konsellu Ministrus estuda hela forma oinsá atu hadia sistema aprovizionamentu Estadu nian, bazeia ba kitéria ne'ebé efisiente, transparente no efikás, hodi desentraliza tan kompeténsia iha nível ne'e ba ministériu sira hotu, no promove asosiasaun entidade privadu ba iha prosesu adjudikasaun.